

Ordiziako Udala

2025GOIO0013

DEIALDIA

2025eko deialdia, aisialdiko begirale eta zuzendari ikastaroa egiteko herritarrei dirulaguntzak emateko eta kirol arloko hezitzaileei berariazko prestakuntza euskaraz jasotzeko dirulaguntzak.

LEHENENGOA. Dirulaguntzaren xedea eta baldintzak

Deialdi honen xedea da 2023-2024 eta 2024-2025 ikasturtean aisialdiko begirale edo zuzendari ikastaroa bukatu duten herritarrentzako dirulaguntzak emateko eta kirol arloan diharduten hezitzaileei berariazko euskarazko prestakuntza jasotzeko baldintzak arautzea.

BIGARRENA. Dirulaguntzaren xede diren kredituak eta aurrekontu-partida

Oinarri hauen xede diren dirulaguntzetarako Udalaren 2025eko aurrekontuan finkatutako kopurua 1.000€ da eta 1 480.04.335.00.0141 2025 diru-partidatik bideratuko da.

Partida horretan jasotako diru kopurua baino handiagoa balitz eskaera, Udalak xede bererako diru-kopuru berri batzuk onetsi ahal izango ditu, baldin eta aurrekontu-eskuragarritasuna badago.

HIRUGARRENA. Dirulaguntza emateko prozedura

Dirulaguntzak lehiarik gabeko konkurrentzia prozeduraren bitartez emango dira. Ordiziako Udalaren Dirulaguntzen Ordenantza Orokorren II. tituluko 1. atalean ezarritakoaren arabera jardungo da.

LAUGARRENA. Onuradunek dirulaguntza lortzeko bete behar dituzten baldintzak eta horiek egiaztatzeko modua

Hauek dira onuradunek bete beharreko baldintza orokorrak:


-Gizarte Segurantzarekiko, Ogasunarekiko eta Ordiziako Udalarekiko zerga-betebeharrak egunean izatea.

-Dirulaguntzei buruzko 38/2003 Lege Orokorren 13. artikuluan adierazitako kasuren batean ez egotea.

-Genero-indarkeriagatik diskriminazioan erortzeagatik administrazio-zehapen edo zehapen penalik ez izatea (dagokion zehapenean ezarritako aldian).

Hauek dira onuradunek bete beharreko baldintza espezifikoak:

-Ordizian erroldaturik egotea aisialdiko begirale edo zuzendari titulua lortzen ari direnen



Ordiziako Udala

2025GOIO0013

kasuan, edo kirol arloko euskarazko formakuntza jasotzen ari direnen kasuan, Ordiziako kirol elkarte bateko kide izatea edo Ordizian errolaturik egotea.

-Ikastaroak euskaraz izan behar du eta Eusko Jaurlaritzak homologatua.

-Begirale edo zuzendari ikastaroa egiten dutenen kasuan, ikastaroaren alderdi teorikoa zein praktikoa gainditzea.

BOSGARRENA. Laguntzak emateko prozedura antolatze, bideratzeko eta ebazteko eskumena duten organoak

Ordiziako Udaleko Euskara Sailak bideratuko du prozedura.

Alkatetza da dirulaguntza-prozedura antolatze eta ebazteko organo eskuduna, egin ditzakeen eskuordetzei kalterik egin gabe.

SEIGARRENA.- Eskabideak aurkezteko epea

Eskabideak aurkezteko epea 2025eko abenduaren 5era arte izango da, deialdia Gipuzkoako Aldizkari Ofizialean argitaratu eta hurrengo egunetik hasita.

Eskaerak aurrez aurre aurkez daitezke Herriarren Arretarako Udal Bulegoan (Kale Nagusia 26-behea), 8:00etatik 13:30era bitartean, edota Internet bidez www.ordizia.eus webguneko zerbitzu telematikoen bidez.

ZAZPIGARRENA.- Ebazteko eta jakinarazteko epea

Behin betiko ebazpena emateko eta jakinarazteko gehieneko epea hiru hilabetekoa da, dagokion deialdia argitaratzen denetik aurrera.


ZORTZIGARRENA. Eskaerarekin batera aurkeztu beharreko dokumentuak eta informazioak

Eskabide ereduarekin batera, agiri hauek aurkeztu beharko ditu eskatzaileak:

a)-Kirol hezitzaile edo entrenatzaileen kasuan, elkartearen ziurtagiria, Ordiziako kirol elkarren bateko hezitzailea dela egiaztatzen duena.

b)-Ikastegiaren ziurtagiria, matrikularen zenbatekoa, ikastaroaren homologazioa eta hizkuntzari buruzko xehetasunak ziurtatuko dituen.

Aisialdiko hezitzaileen kasuan, horrez gain, eskatzaileak alderdi teorikoa eta praktikoa gainditu duela dioten ziurtagiria aurkeztu beharko dute.



Ordiziako Udala

2025GOIO0013

BEDERATZIGARRENA. Errekurtsoak

Erabaki hau behin betikoa da eta amaiera ematen dio administrazio bideari. Interesdunek erabaki honen aurka zuzenean administrazioarekiko auzi errekurtsoa aurkez dezakete Administrazioarekiko Auzietako Donostiako Epaitegietan, argitaratu eta biharamunetik hasita bi hilabeteko epean.

Hala ere, partikularrek aukera dute horren aurretik berraztertzeko hautazko errekurtsoa aurkezteko Alkateari, argitaratu eta biharamunetik hasita hilabeteko epean. Hori eginez gero, ezingo da administrazioarekiko auzi errekurtsorik aurkeztu harik eta berraztertzeko errekurtsoaren berariazko ebazpena eman edo ustezko ezespena gertatu arte. Dena dela, egoki iritzitako beste edozein errekurtso aurkez daiteke.

HAMARGARRENA.- Jakinarazteko edo argitaratzeko bidea

Eskatzaileak eskabidean adierazitako tokian eta moduan egingo dira jakinarazpenak, Administrazio Publikoen Administrazio Prozedura Erkidearen urriaren 1eko 39/2015 Legearen 41. artikuluan ondorio horietarako ezarritakoa kontuan hartuta.

Sinatzailea	Euskara Teknikaria Maria Teresa Berruet Arbelaiz
	Dokumentu hau elektronikoki sinatu da, honen sinesgarritasuna ziurtatzeko jo interneteko orrialde honetara: https://udal.egoitza.gipuzkoa.eus/PortalV/r/0/76/AAAARL0VK.eG81